

Ka Mopresidente Thomas S. Monson

Tempele e Boitshepo— Lesedi la Kaelo go Lefatshe

Masego a go rueswa korone le a botlhokwa otlhe a boloko mo Kerekeng ke ao a re a amogelang mo ditempeleng tsa Modimo.

Barwarre le bokgaisadiake ba ba rategang, Ke fitisa lorato lwame le madume go mongwe le mongwe wa lona mme ke rapela Rraetsho yo o kwa Legodimong gore a ka kaela dikakanyo le go tlhotlheletsa mafoko ame jaaka fa ke bua le lona gompieno.

Mpe ke simolole ka go dira tshwaelo kgotsa tse pedi mabapi le melaetsa e mentle e re sa tswang go e utlwa mosong ono gotsweng go Mokaulengwe Allred le Bishopo Burton le ba bangwe ka ga lenaneo la bopelotlhomogi la Kereke. Jaaka go supilwe, ngwaga o o tshwaya go ipela ga lenaneo le la tlhotlheletso la bo 75, leo le segofaditseng matshele a ba bantsi. E ne ele tshono yame go itse ka bo nna bangwe bao ba simodisitseng maiteko a magolo a—batho ba bopelotlhomogi le tebelopele.

Jaaka botlhe Bishopo Burton le Kgaisadi Allred le ba bangwe

ba buile, bishopo wa wate o filwe maikarabelo a go tlhokomela bao ba nnang mo teng ga molelwane wa wate ya gagwe. Moo e ne ele tshono yame fa ke ne ke okametse ke sa le mobishopo o mmotlana mo Toropokgolo Salt Lake godimo ga wate ya maloko a 1,080, go balelwa batlholagadi ba 84. Go ne go le bale bantsi bao ba neng ba tlhoka thuso. Ke ne ka lebogela thata lenaneo la bopelotlhomogi la Kereke le thuso ya Mokgatlho wa Thuso le dikhoramo tsa boperesiti.

Ke bega gore lenaneo la bopelotlhomogi la Kereke ya ga Jeso Keresete ya Baitshepi ba Malatsi- a Bofelo le tlhotlheleditswe ke Modimo Mothatayotlhe.

Jaanong, bomorwarre le bokgaisadiake, phuthego e e tshwaya dingwaga tse tharo ke tlhomamisi-tswa ke le Mopresidente wa Kereke. Le mo go sa beleetseng di nnile

dingwaga tse ke kakegileng ka tsone, di tletse le ka dikgwetho mme gape le ka masego a a sa balegeng. Tshono eo ke nnile nayo ya go tshwaya le go tshwaya gape ditempele e nnile gareng ga masego a boipelo le boitshepo, mme a itebagantse le tempele eo ke batlang go bua ka yona mosong wa gompieno.

Ka nako ya Phalane ka konferense ya kakaretso ka 1902, Mopresidente Joseph F. Smith o ne a bua mo pulong ya puo ya gagwe tsholofelo ya gore nako nngwe re tlaa “nna le ditempele tse di agilweng mo mafelong a a farologanyeng a [lefatshela] koo di tlhokegang go le motlhofo mo bathong go di tsena.”¹

Ka sebaka sa dingwaga tsa ntlha tse 150 go latela thulaganyo ya Kereke, go tswa 1830 go isa 1980, ditempele tse 21 di ne di agilwe, go balelwa ditempele mo Kirtland, Ohio, le Nauvoo, Illinois. Tshwantshanya moo le dingwaga tse 30 e sale 1980, ka sebaka se ditempele tse 115 di neng tsa agwa le go tshwaiwa. Ka pego ya maabane ya ditempele tse 3 tse di sha, go nale ditempele tse 26 tse di tlaleletsang e ka tswa dile ka fa tlase ga go agiwa kgotsa di le mo dikgatong tsa tshimolodiso kago. Dipalo tse ditlala tswela ka go gola.

Sekgele se Mopresidente Joseph F. Smith a neng a se solofetse ka 1902 se simolotse go netefala. Keletso ya rona ke go dira ditempele gore di nne gaufi ka bofefo go maloko a rona.

Nngwe ya ditempele eo e leng ka fa tlase ga go agiwa ke ya Manaus, Brazil. Dingwaga tse dintsi tse di fitileng ke ne ka bala ka setlhopha se se fetang lekgolo sa maloko ao a neng a

tswa Manaus, felo leo le leng gareng ga dikgwa tsa dipula tsa Amazon, go etela koo e neng ele tempele e gaufi ka nako eo, felong la kwa São Paulo, Brazil—sekgale go bapisa di mmaele tse 2,500 (4,000km) gotswa Manaus. Baitshepi bao ba ne ba sepela ka mokoro malatsi a mane mo Nokeng ya Amazon le melatswana ya yone. Morago ga go fetsa mosepele o ka metsi, ba ne ba tsena mo dibeseng mo malatsing a mararo a loeto—godimo ga ditsela tse di dikhuti, ka mo go nnye mo go ka jewang, le koo go senang matobetobe a go robalwa. Morago ga malatsi le masigo a supa, ba ne ba goroga kwa tempeleng ya São Paulo, koo ditlhomotse tsa bosakhutleng tsa tlhologo dineng tsa diragadiwa. Le mogo sa belaetseng mosepele wa fa ba bowa o ne o le dingalo fela jalo. Le fa gontse jalo, ba ne ba amogetse ditlhomotse le masego a tempele, mme le fa ntswa dipatshe tsa bone dine di sena sepe, bone ka bo bone ba ne ba tletse ka mowa wa tempele le malebogo go masego ao ba a amogetseng.² Jaanong, dingwaga morago ga moo, maloko a rona mo Manaus ba a ipela fa ba bona tempele ya bona e tsaya popego mo lotsitsing la noka ya Rio Negro. Ditempele di tlisa boipelo go maloko a a boikanyego gongwe le gongwe koo di agilweng gone.

Dipoledi tsa ditlhabelo tseo di dirilweng gore go amogelwe masego a fela mo ditempeleng tsa Modimo ga di nke di tihoka go nkama mo pelong le go tlisa go nna ditokololo tse di sha tsa malebogo a ditempele.

Mpe ke le abeleng pego ya ga Tihi le Tararaina Mou Tham le bana ba bone ba ba 10. Lelwapa la bone botlhe le tsene Kereke ka 1960 a simologa, fa baanamisa tumelo ba tla kwa setlhaketlhakeng sa bone seo se leng dimmaele di kannang 100 (160 km) borwa jwa Tahiti. Ka bofefo ba ne ba eletsa masego a bosa khutleng a lelwapa a kano mo tempeleng.

Ka nako eo tempele e e neng ele gaufi go lelwapa la ga Mou Tham ene ele Tempele ya Hamilton New Zealand, eo eneng ele sekgale sa

dimaele tse di fetang 2,500 (4,000 km) go isa borwa bophirima, ele gaufi fela ka loeto lo lo turu la sefofane godimo. Lelwapa le legolo la ga Mou Tham, leo le neng le bona ka tshokolo itshe-tso e nyenyane mo tshimong e nnye, le ne le sena madi go duela sefofane, kana bana le tshono epe ya go hirwa mo setlhaketlhakeng sa Phasefiki. Jalo Morwarre Mou Tham le morwaagwe Gerard ba ne ba tsaya tshwetso e e thata ya go kopana le morwaagwe yo mongwe yo a neng a bereka mo dimmaeneng tsa nikele tsa New Caledonia, di mmaele tse 3,000 (4,800 km) go ya bophirima. Mohiri o ne a fa bahiriwa ba gagwe tuelo ya tsela go ya dimaeneng mme o ne a sa ba fe sepalamo go boela gae.

Boraro jwa banna baa Mou Tham bone jwa bereka dingwaga tse nne mo dimmaeneng tsa nikele tsa toropika, ba epa le go bega ore e bokete. Mokaulengwe Mou Tham a le nosi o ne a boela gae ka loeto lolo khutshwane gangwe mo ngwageng, a tlogela barwaagwe kwa New Caledonia.

Morago ga dingwaga tse nne tsa thubomokwatla tsa bereko, Mokaulengwe Mou Tham le barwaagwe bane ba bolokile madi a a lekanetseng go tsaya lelwapa la bone go ya Tempeleng ya New Zealand. Botlhe ba ne ba tsamaya, fa e se morwaetsana a le mongwe. Bane ba konetelelwa ka dinako le bosa khutleng, maitemogelo ao a boipelo jo bo sa ka keng jwa tlhalosiwa.

Mokaulengwe Mou Tham o ne a boela gotsweng kwa tempeleng go ya a tlhamaletse kwa New Caledonia, koo a berekileng dingwaga tse pedi tsa tsela ya morwaetsana yo a ising a ye ko tempeleng le bone—morwaetsana yo o nyetsweng le ngwanaagwe le monna wa gagwe.

Mo dingwageng tse di latetseng Morwarre le Kgaityadi Mou Tham ba ne ba eletsa go direla mo tempeleng. Ka nako eo Tempele ya Papeete Tahiti e ne e setse e agilwe e bile e tshwaetswe, mme ba ne ba direla di mmishene tse pedi koo.³

Bomorwarre le bokgaityadiaka,

ditempele di feta letlapa le semente. Di tletse ka tumelo le meneelo. Di agilwe ka diteko le bopaki. Ba itshepisetswe ka setlhabelo le bodiredi.

Tempele ya ntlha go agiwa mo metlheng eno e ne ele tempele ya Kirtland, Ohio. Baitshepi ka nako eo ba ne ba itshotlegetse, gape Ga kwala Mogolwane Heber C. Kimball ka maitemogelo a, “Morena o itse fela seemo sa tshotlego, matshwenyego le makete ao re fetang ka one go a diragatsa.”⁴ Mme jalo, morago ga tsotlhe tseo di fetitsweng ka bothoko, Baitshepi bane ba pateletswa go tlogela Ohio le tempele ya bone eo ba e ratileng. Bane kgabagare ba fitlhela tshireletso—lentswa e tlaa nna ya nakwana—mo lotshitshing lwa Noka ya Mississippi mo seteiting sa Illinois. Ba ne ba bitsa motsana wa bone Nauvoo, mme ba na le maikaelelo a go fa tsotlhe tse ba nang natso ka gangwe gape mme ka tumelo ya bone e sa suteng, bane ba aga tempele e nngwe go Modimo wa bone. Dipogisego dine tsa gakala, le fa gontse jalo, le ka Tempele ya Nauvoo e ne e sa tswa go fediswa ka bokete, ba ne ba kgweelediwa gotsweng ma gaeng a bone gangwe le gape, ba senka tshireletso mo sekakeng.

Kgaratlo le setlhabelo tsa simolola gangwe le gape jaaka ba ne ba bereka dingwaga tse 40 go aga Tempele ya Salt Lake, eo e emeng ka tlotlo-malo mo bolokong fela kwa borwa jwa rona bao re leng fa gompiano mo Lefelong la Konferense.

Boemo bongwe jwa setlhabelo bo nna bo amangwa le go agiwa ga tempele le ka go tsena tempele. Mogo sa balweng ke ga bao ba ba berekileng le go kgaratlo gore ba tle ba iponele le ba malwapa a bone masego ao a fitlhelwang mo ditempeleng tsa Modimo.

Ke eng ba le bantsi ba ikaeletse go fa mo go ntsi gore ba amogele masego a tempele? Bao ba ba tlhaloganyang masego a bosa khutleng ao a tlang go tsweng mo tempeleng ba itse gore ga go setlhabelo sepe se se tona le go feta, ga go tlhathlwa eo e leng

bokete le go feta, ga go kgaratlho eo eleng thata gore ba amogele masego ao. Ga go na dimmaele tseo dileng dintsi go tsamaiwa, dikgoreletso tse dintsi go fennngwa, kgotsa matlhoko a mantsi go itshokelwa. Batlhaloganyana gore ditlhommo tse di bolokang tse di filweng mo tempeleng tse di re letlelelang gore letsatsi lengwe re boele go Rraetsho yo o kwa Legodimong ka botsalano ba lelwapa la bosa khutlheng le go nna le entaomente ka masego le maatla gotsweng godimo a itekaneletse setlhabelo sengwe le sengwe le maiteko mangwe le mangwe.

Gompieno bontsi jwa rona ga re tlhokane le go sotlega thata gore re tsene tempele. Diperesente tse masome a robedi-tlhano a boloko jwa Kereke jaanong a tshela ka fa tlase ga dimmaele tse 200 (320 km) tsa tempele, mme go bontsi jwa rona, sekgale seo se gaufi thata.

Fa o ile tempeleng ka bo wena gape o tshela gaufi thata le tempele, setlhabelo sa gago e ka nna go seegela fa thoko nako mo matshelong a lona a a kakegileng go etela tempele kgapetsakgapetsa. Go na le mo go ntsi mo re ka go dirang mo ditempeleng tsa rona mo boemong jwa bao ba emeng ka fa ga lesire. Jaaka fa re dira tiro go bone, re tlaa itse gore re diragaditse seo ba ka sekeng ba se dira ka bo bone. Mopresidente Joseph F. Smith, mo pegong e kgolo, o ne are, "Ka maiteko a rona mo boemong jwa bone di keetane tsa bone tsa bokgoba ditlaa wa go bone, mme leffi leo le ba dikologileng le tlaa nyelela, gore lesedi le ba bonagele mme ba tlaa utlwa mo lefatsheng la semowa ka tiro eo ba e diretsweng ke bana ba bone fano, mme batlaa ipela le lona mo tiragatsong ya lona ya ditiro tse."⁵ Bomorwarre le bokgaitsa-diaaka, tiro e ke ya rona go dira.

Mo lelwapeng lame, mangwe a maitemogelo ao a boitshepo le a polokelo a diregile fa re ne re kopane mmogo mo tempeleng go diragatsa ditlhommo tsa kano go balosika ba ba tlhokafetseng.

Fa o ise o ye tempeleng kgotsa o

ile mme o tlholwa mo nakong eno go nna le tseletso ya tempele, ga go na mokgele o botlhokwa go wena go berekela go itekanela semoweng go ya tempeleng. Setlhabelo sa gago se kanna sa tliša botshelo jwa gago gore bo tshwane le seo se tlhokwang go amogela tseletso ya tempele, gongwe ka go tlogela mekgwa e meleele eo e neng e go tlhotsa. E kanna ya go nna le tumelo le ikgalemo ya go duela tsa bolesome. Le fa e katswa ele eng, kgona go tsena tempele ya Modimo. Ipatelele tseletso ya tempele mme o e bone ele ditshompelo tse dintle, go nne di jalo.

Go fitlhela o tsena mo ntlong ya Morena gape o amogetse masego otlhe ao a a go emetseng koo, ga o ise o amogele tsotlhe tse Kereke e di fang. Masego ao a korone a botlhokwa le go feta a boloko mo Kerekeng ke ao a re a amogelang mo ditempeleng tsa Modimo.

Jaanong, ditsala tsame tse potlana bao le leng mo dingwageng tsa bonana, nnang ka nako tsotlhe le na le tempele mo ponong ya lona. Se direng sepe seo se tlaa ntshang go tseneng mo dikgorong tsa yona le go atswa masego a a itshepileng a bosa khutlheng koo. Ke akgola bao ba lona ba ba setseng ba ya tempeleng kgapetsakgapetsa go diragatsa dikolobetso tsa baswi, le tsoga makuku mo mosong gore le tseye karolo mo dikolobetso tse pele sekolo se simologa. Ga ke kgone go akanya ka tsela epe e e botoka go simola letsatsi.

Go lona batsadi ba bana ba bannye, ntle ke abelane le lona kgaokololo e e botlhale gotsweng go Mopresidente Spencer W. Kimball. O ne a re: "E ka nna selo se se siameng fa . . . batsadi ba ka nna le setshwantsho sa tempele mo kamoreng ya marobalo ya bone gore [bana ba bone] gotsweng nako [eo ba] leng [ma]sea ba ka e lebelela letsatsi le letsatsi [go fitlhelela] e nna karolo ya [matshelo a bone]. Ga [ba fitlha] dingwageng tse [ba tlhokang] go dira tshwetso [ya] botlhokwa thata [mabapi le go ya tempeleng],

e tlaa bo e setse e dirilwe."⁶

Bana ba rona ba opela mo Poremari:

Ke rata go bona tempele.

Ke tlaa tsena moteng letsatsi lengwe.

Ke tla nna le kgolagano le Rara;

Ke tlaa solofetsa go obamela.⁷

Ke a le kopa go re le rute bana ba lona botlhokwa jwa tempele.

Lefatshe le kgona go nna kgwetlho ele lefelo le le thata mo botshelong. Gantsi re dikologilwe ke seo se tlaa re gogelang tlase. Jaaka fa nna le wena re ya ko mantlong a a boitshepo a Modimo, jaaka fa re gakologelwa dikgolagano tse re di dirang mo teng, re tlaa kgona go itshokela diteko dingwe le dingwe gape re fenya thaelo nngwe le nngwe. Mo tshireletsong eo e e boitshepo re tlaa bona kagiso; re tlaa shafadiwa le go thatafadiwa.

Jaanong, Bomorwarre le bokgaitsa-diaake, Ke bua ka tempele ele nngwe pele ke tswala. Mo isagong e e seng kgakala jaaka fa ditempele tse disha di bopiwa godikologa lefatshe, ngwe e tlaa tsoga mo toropokgolong eo e nnileng dingwaga tse di fetang 2,500. Ke bua ka tempele eo jaanong e agiwang kwa Roma, Italy.

Tempele nngwe le nngwe ke ntlo ya Modimo, e tšatsa ditirelo le masego ao a tshwanang le ditlhommo. Tempele ya Roma ya Italy, ka kgethego, e agiwa mo felong leo le nang le ditso le go feta mo lefatsheng, toropokgolo eo Baaposetole Petere le Paulo ba rerieng efangele ya ga Keresete mme ka bo bone ba ne ba bolaelwa tumelo.

Phalane yo o sa tswang go feta, jaaka fa re ne re kgobokane mo lefelong la moraka mo bokonebotlhaba jwa sekhutlo sa Roma, e ne ele tshono yame go fa thapelo ya tshwaelo jaaka re ne re baakanyetsa go thuba fa fatshe. Ke ne ka ikutlwa ke tlhotlheditswe ke go bitsa mopalamante wa mo Italia Lucio Malan le mothusa ratoropo wa Roma Giuseppe Ciardi gore ba nne gareng ga bangwe ba ntlha go fetola garawe e e tletseng

mmu. Mongwe le mongwe wa bone o nnile bontlha bongwe jwa tshwetso ya go re letlelela go aga tempele mo toropokgolong ya bone.

Letsatsi le ne le na le maru mme le le bothito, mme le fa pula e ne e tsho-setsa, e seng go feta lerothodi kgotsa a le mabedi a ne a wa. Jaaka fa khwaere e tona e opela ka Seithali megalana e mentle ya "Mowa wa Modimo," motho o ne a ikutlwa o kare legodimo le lefatshe le golagantshwe ka kgalalelo ya sefela sa kgalaletso le malebogo go Modimo Mothatayotlhe. Dikeledi di ne di sa kake tsa kganelwa.

Mo letsatsing le le ratelang, ba baikanyegi moo, Toropokgolo ya Bosakhutlheng, ba tlaa amogela ditlhomo tseo eleng tsa bosa khutlheng ka tlholego mo ntlong ya Modimo.

Ke fa malebogo ame a a sa sweng go Rraetsho yo o kwa Legodimong ka

tempele eo jaanong e agiwang mo Roma le tsotlhe ditempele tsa rona, gongwe le gongwe ko dileng teng. Nngwe le nngwe ya teng e eme ele lesedi la kaelo go lefatshe, ele maikutlo a bosupi jwa rona gore Modimo, Rara wa Bosa khutlheng, o a tshela, gore O eletsa go re segofatsa gape, tota, go segofatsa barwa le barwaetsana ba Gagwe ba losika lotlhe. Nngwe le nngwe ya ditempele tsa rona ke sekao sa bosupi jwa rona gore botshelo go pota lebitla bo nepagetse e bile bole nnete jaaka botshelo jwa rona mo lefatsheng. Ka jalo ke fa bosupi.

Borwarre le bokgaisadi baaka ba ba rategang, tla re direng ditlhabelo dipe fela tse di tlhokegang go tsenelela tempele le go nna le mowa wa tempele mo dipelong tsa rona le magaeng a rona. A re sa leng morago dikgato tsa Morena le

Mmoloki wa rona, Jeso Keresete, yo a re diretseng setlhabelo sa bofelo, gore re ka nna le botshelo jwa bosa khutlheng le tsholetso ya kgalalelo mo bogosing jwa ga Rraetsho yo o kwa Legodimong. Se ke thapelo yame ka tlhwaafalo, mme ke e fa ka leina la Mmoloki, Jeso Keresete le Morena, amene.

DINTLHA

1. Joseph F. Smith, mo Polelo ya Bophuthego, Oct. 1902, 3.
2. Bona Vilson Felipe Santiago le Linda Ritchie Archibald, "From Amazon Basin to Temple," *Dikgang tsa Kereke*, Mar. 13, 1993, 6.
3. Bona C. Jay Larson, "Temple Moments: Impossible Desire," *Church News*, Mar. 16, 1996, 16.
4. Heber C. Kimball, mo Orson F. Whitney, *Life of Heber C. Kimball* (1945), 67.
5. *Dithuto tsa Boporesidente jwa Kereke: Joseph F. Smith* (1998), 247.
6. *The Teachings of Spencer W. Kimball*, ed. Edward L. Kimball (1982), 301.
7. Janice Kapp Perry, "I Love to See the Temple," *Children's Songbook*, 95.

Dithuto tsa Nako ya Rona

Boperesiti jwa Melekhesedeke le Mokgatlho wa Thuso mo Sontageng wa bone o tlaabo o remeletse mo “Dithuto tsa Nako ya Rona.” Thuto engwe le ngwe e ka baakanyediwa mo puo engwe kgotsa dipuo tse mmalwa mo phuthago kakaretso ya bosheng. Boporesidente ba Seteiki le ba kgaolwana ba ka tlhopha dipuisano tse ditla dirisiwang, kgotsa ba ka neela bobishopo le boporesidente ba makalana maikarabelo ao. Baeteledipele ba tshwanetse go gatelela boleng jwa bakaulengwe mo Boperesiting jwa Melekhesedeke le bokgaisadi mo Mokgatlho wa Thuso go ithuta dipuisano dingwe mo Sontageng yoo.

Bao batlang thutong ya Sontaga wa bone ba rotloediwa go ithuta le go tlisa montlung ya borutelo buka ya kgatiso ya phuthago kakaretso ya bosheng.

Megopolo go Ipaakanyetsa Thuto go tsweng Dipuisanyong

Rapela gore Mowa o o Boitshupo o nne le wena jaaka o ithuta

le go ruta puisanyo(dipuisanyo). O ka nna wa raelesega go baakanyetsa thuto e o dirisa didirisiwa di sele, mme dipuisanyo tsa phuthago di mo togamaanong ya thuto e e laotsweng. Thomo ya gago ke go thusa ba bangwe go ithuta le go tshela efangele e e rutwang mo phuthago kakaretso ya bosheng ya Kereke.


Lebelela (di)puisanyo, o batla melawana le dithuto tse dikgotsafalelang letlhoko la maloko a tlelase. Gape lebelela metshameko, kaedi ya mafoko a tumelo, le dite mana go tsweng (di)puisanong tse ditla go thusang go ruta nnete ee.

Dira methale ya gore o tla ruta jang melawana le dithuto tse. Methale ya gago e tshwanetse go akaretse dipotso tse ditla thusang maloko a tlelase:

- Leba melawana le dithuto mo (di)puisanyong.
- Akanya ka ditlhaloso tsa tsone.
- Abelana go tlhaloganya, megopolo, maitemogelo, le.
- Diragatsa melawana le bopaki tse mo matshelong a bo ne.

| DIKGWEDI | DI DIRISIWA TSA THUTO YA SONTAGA WA BONE |
|--------------------------------|---|
| Motshaganong 2011–Phalane 2011 | Dipuisanyo tse di anamisitsweng mo Motshaganong 2011 <i>Liahona</i> * |
| Ngwanatsele 2011–Moranang 2012 | Dipuisanyo tse di anamisitswe Ngwanatsele 2011 <i>Liahona</i> * |

* *Dipuisanyo tse diteng ka (diteme tse difarologanyeng) ko conference.lds.org*



Ka Moporesidente Henry B. Eyring
Mogakolodi wa Ntlha mo Boporesidenteng jwa Ntlha

Ditshono tsa go Dira Tshiamo

Tsela ya Morena ya go thusa bao ba tlhokang tsa selefatshe e tlhoka batho bao ka lorato ba itshwaetseng seo banang le sone go Modimo le tiro ya Gagwe.

Barwarre le bokgaisadi bame, maikaelelo a molaetsa wame ke go tlotla le go ipelela seo Morena a se dirileng le seo a se dirang go direla bahumanegi le batlhoki gareng ga bana ba Gagwe mo lefatshe. O rata bana ba Gagwe ba ba leng mo lelhokong le gape bao ba batlang go thusa. Mme o dirile ditsela go segofatsa botlhe bao ba tlhokang thuso le bao ba ba tlaa e fang.

Raetsho yo o kwa Legodimong o utlwa dithapelo tsa bana ba Gagwe go ralala lefatshe bao ba kopang dijo tsa go ja, diaparo go apesa mebele ya bone, le ka seriti se se tlatlang gotsweng mo go kgoneng go itshetsa. Dikopo tseo di fitlhele go Ene e sa le a baya banna le basadi mo lefatshe.

O ithuta ka matlhoko ao ko o tshelang teng le go tswa go ralala lefatshe. Pelo ya gago gantsi e huduilwe ke maikutlo a botlhomogi. Fa o kopana le mongwe a sokola le go bona tiro, o ikutlwa o na le keletso ya go thusa. O ikutlwa jalo fa o tsena mo legaeng la motlholagadi le go bona

gore ga a na dijo. O ikutlwa jalo fa o bona dinepe tsa bana ba lela ba eme mo magaeng a bone a a thubilweng a sentswe ke thoromo ya lefatshe kgotsa ke molelo.

Ka gore Morena o utlwa dilelo tsa bone le go utlwa bopelotlhomogi jo bo ko teng jwa bo ne, O nnile go tswa kwa tshimologo ya nako a file ditsela go barutwana ba Gagwe go thusa. O laleditse bana ba Gagwe go tshwaela nako ya bo ne, ditsompelo tsa bo ne, le bo ne go kopana le Ene mo go direleng ba bangwe.

Tsela ya Gagwe ya go thusa ka dinako tse dingwe e ne e bidiwa go tshela molao wa tshwaelo. Mo sebakeng se sengwe tsela ya Gagwe e ne e bidiwa thulaganyo ya kopano. Mo nakong ya rona e bidiwa lenaneo la bopelotlhomogi la Kereke.

Maina le matsenelelo a go diragatsa a fetotswe go itebagana le matlhoko le diemo tsa batho. Mme ka nako tsotlhe tsela ya Morena go thusa bao ba tlhokang tsa selefatshe e tlhoka batho bao ka lorato ba itshwaetseng

le seo banang le sone go Modimo le tiro ya Gagwe.

O laleditse gape a re laotse go tsaya karolo mo tirong ya Gagwe go tsholetsa bao ba tlhokang. Re dira dikgolagano go dira seo mo metsing a kolobetso le mo ditempeleng tsa Modimo. Re ntshahatsa kgolagano ka Disontaga fa re ja selalelo.

Maikaelelo ame gompieno ke go tlhalosa dingwe ditshono tse A re di fileng gore re thuse ba bangwe mo matlhokong. Ga ke kake ka di bua tsotlhe mo nakong ya rona e khutshwane mmogo. Tsholofelo yame ke go shafatsa le go thatafatsa maitlhamo a rona go dira.

Go na le sefela ka ga taletso ya Morena go tiro e seo ke se opetseng e sa le ke le mosimanyana. Mo bonnyeng jwame ke ne ke etse tlhoko molodi wa boitumelo gona le maatla a mafoko. Ke rapela gore lo utlwe mafoko a pina mo dipelong tsa lona gompieno. Tla re reetseng mafoko a gape:

A ke dirile molemo ope mo lefatshe gompieno?

A ke thusitse mongwe yo o tlhokang?

A ke nameditse bahutsafatsi le go dira mongwe gore a ikutlwe a thamile?

Ga ke sa dira, ke tlhotswe tota.

A makete a mongwe a tlhofofaditswe gompieno

Ka gore ke ne ke na le keletso ya go abelana?

A bahwetsi le bao ba lapileng ba thusitswe motseleng ya bo ne?

Fa ba ne ba tlhoka thuso yame a ke ne kele teng?

Jaanong tsoga mme o dire sengwe se se ntsi

*Go na le go lora ka dikhumo tsa
gago godimo.
Go dira molemo ke go natefelwa,
boipelo jo bo gaisang,
tshhegofatso ya tiro le lorato.¹*

Morena kgapetsa kgapetsa o romela dipitso tsa tsogo go mongwe le mongwe wa rona. Fa gongwe o kgona go nna le maikutlo a potlako a kutlwelobotlhoko go mongwe yo o tlhokang. Ntate a ka nna a bo a utlwile fa a bona ngwana a wa mme a kgoboga lengole. Mme a ka nna a bo a utlwile fa a utlwa selelo sa ngwana wa gagwe a tshogile mo bosigong. Morwa kgotsa morwaetsana a ka nna a bo a utlwetse mongwe botlhoko yo a lebegang a sa itumela kgotsa a tshogile ko sekolong.

Rotlhe re amilwe ke maikutlo a kutlwelobotlhoko go ba bangwe bao re sa ba itseng. Sekai, jaaka fa o utlwile dipolelo tsa makhubu a ragogela go kgabaganya Phasefiki morago ga thoromo ko Japane, o ne wa iku-tlwa o amilwe ke bao ba ka neng ba gobetse.

Maikutlo a kutlwelobotlhoko a tile go diketekete tsa lona fa le ne le ithuta ka merwalela kwa Queensland, Australia. Dikgang tsa dipolelo di ne di akanyetsa thata dipalo tsa bao ba tlhokang. Mme bontsi jwa lona bo utlwile botlhoko jwa batho bao. Dipitso tsa tsogo di ne tsa arajwa ke baithaopi ba 1,500 kgotsa maloko a Kereke ko Australia bao ba tlileng go thusa le go gomotsa.

Ba ne ba fetola maikutlo a bo ne a kutlwelobotlhoko mo tshwetsong ya go dira mo dikgolaganong tsa bone. Ke bo ne ditshegofatso tse di tlang go batho bao ba tlhokang bao ba amogetseng thuso le batho bao ba tshwarang tshono go e fa.

Batsadi ba ba botlhale ba bona letlhoko mo sengwe le sengweng la tsela ya go tlisa ditshegofatso mo matshelong a barwa le barwaetsana ba bo ne. Bana ba le bararo bosheng ba ne ba tshotse megopo e tshhegeditse dijo tsa mantsiboa tse di mele-tsegelang mathe fa kgorong ya rona

e e fa pele. Batsadi ba bone ba ne ba itse fa re tlhoka thuso, mme ba ne ba akaretsa bana ba bo ne mo tshonong ya go re direla.

Batsadi ba ne ba segofatsa lelwapa la rona ka tirelo ya pelo ya bo ne. Ka tshwetso ya bo ne go letlelela bana ba bo ne go tsaya karolo mo go feng, ba ne ba okeletsa ditshegofatso go bana ba bana ba bo ne mo isagong. Menyenyo ya bana jaaka ba ne ba tswa mo legaeng la rona e ne ya ntira gore ke nne le boikanyo gore seo se tlaa direga. Ba tlaa bolelela bana ba bo ne ka boipelo joo ba bo utlwileng fa ba a fa bopelontle jwa tirelo go Morena. Ke gakologelwa maikutlo ao a a didimetseng a kgotsofatso gotsweng bonyennyang jaaka ke ne ke goga motlho go moagisanyi ka taletso ya ga rre. Nako le nako fa ke lalediwa go fa, Ke gakologelwa gape ke dumela mafoko a pina e "Monate ke tiro, Modimo wame, Kgosi yame."²

Ke itse gore mafoko a pina eo a ne a kwaletse go tilhalosa boipelo jo bo tlang gotsweng go obameleng Morena ka Sabata. Mme bana bao ka dijo kwa kgorong ya rona ba ne ba iku-tlwa ka letsatsi la beke boipelo jwa go dira tiro ya Morena. Mme batsadi ba bo ne ba ne ba bona tshono go dira molemo le go phatlhalatsa boipelo go isa losikeng.

Tsela ya Morena ya go tlhokomela batlhoki e fa tshono enngwe go batsadi go segofatsa bana ba bo ne. Ke e bo ne ko Chapeleng Sontaga mongwe. Ngwana yo monnye o ne a fa bishopo dineo tsa lelwapa la gagwe mo enfelepong jaaka ane a tsena mo chapeleng pele ga phuthego ya selalelo.

Ke ne ke itse lelwapa le mosimane. Lelwapa le ne le sa tswa go utlwa ka mongwe mo wateng yo a neng a tlhoka. Rraagwe mosimane o ne a rile sengwe sa go tshwana le se go ngwana jaaka a ne a baya meneelo ka pelo yotlhe go na le tlwaelo mo enfelepong: "Re itimile dijo gompieno le go rapelela bao ba tlhokang. Ka tswée tswée fa enfelepo go bishopo boemong jwa rona. Ke itse gore o tlaa e fa go thusa bao ba tlhokang mo

gogolo go na le rona."

Mo boemong jwa tlaa e botlhoko ka Sontaga joo, mosimane o tlaa gakologelwa letsatsi ka phatshimo e bothito. Ke ne ke kgona go bona go-tswa monyenyong wa gagwe le tsela e a neng a tshwere enfelepo ka tlamparelo gore o iku-tlwa boikanyego jo bogolo go rraagwe go tshwara ne ya lelwapa go batlhoki. O tlaa gakologelwa letsatsi leo fa a le motiakone le gongwe go ya go ile.

Ke ne ka bona boitumelo bole bongwe fela mo difatlhegong tsa batho bao ba neng ba thusa go Morena mo Idaho dingwaga tse di fetileng. Letamo la Teton le ne le thubegile ka Matlhatso, Seetebosigo 5, 1976. Batho ba le lesome le bongwe ba ne ba bolailwe. Diketekete di ne tsa tlogela magae a bone mo diourenge tse mmalwa. Magae mangwe a ne a gogoutswe. Mme makgolokgolo a manno a ne a ka dirwa gore a nnye fela ka maiteko le ditsompelo tseo di fetang tse ba nngaa tsone baneng ba ka kgona.

Bao ba ba utlwileng matlhomola ba ne ba utlwa botlhoko, mme bangwe ba ne ba bitsa go dira molemo. Baagisanyi, bobishopo, diporesidente tsa Mokgatlho wa Thuso, baeteledi-pele ba dikhoramo, baruti ba gae, le baruti ba ketelo ba ne ba tlogela magae a ba bangwe le mebereko go phephafatsa mantlo a a aparetsweng ke morwalela.

Boo-babedi bangwe ba ne ba boela kwa Rexburg gotsweng intshong bodutu moragonyana ga morwalela. Ba ne ba seka ba ya go bona ntlo ya bo ne. Lefa gontse jalo, ba ne ba bona bishopo wa bo ne go mmotsa gore ba ka thusa fa kae. O ne a ba kaela lelwapa leo le neng le tlhoka.

Morago ga malatsinyana ba ne ba ya go tlhola mo legaeng la bo ne. Lene le tsamaile, le phaitswé mo morwareleleng. Ba ne ka motlhofo ba boela go bishopo mme ba botsa, "Jaanong ke eng se o batlang gore re se dire?"

Gongwe le gongwe ko o tshelang, o bo ne kgakgamatso ya

kutlwelobothoko eo e fetogileng tiro e seng ya bopelotshetlha. Go ka tswa e ne ese ka tsoso ya matlho-tlhapelo a magolo a tlhologo. Ke e bone mo khoramong ya boperesiti ko morwarre a emeletseng go tthalosa ditlhokego tsa monna kgotsa mosadi yo a senkang tshono go bereka go itshegetsa kgotsa a itshegetsa le ene kgotsa wa lelwapa. Ke ne ka utlwa bopelotlhomogi mo kamoreng, mme bangwe ba ne ba gakolola maina a batho ba ba ka hirang motho yo a neng a tlhoka tiro.

Seo seneng se diragetse mo khoramong ya boperesiti eo le seo se diragetseng mo matlong a a aparetsweng ke morwalela mo Idaho ke ponatso ya tsela ya Morena go thusa bao ba tlhokang thata go kgona go itshetsa. Re ikutlwa bopelotlhomogi, gape re itse gore re ka dira mo tseleng ya Morena jang go thusa.

Re ipelela dingwaga tse 75 tsa lenaneo la bopelotlhomogi la Kereke ngwaga o. E simolotse go ikopakopanya le matlhoko a bao ba latlhetseweng ke meberekole, masimo, le tota magae mo tsosologong ya seo se neng sa bidiwa Khutsafalo e Kgolo.

Matlhoko a magolo a sefatshe a bana ba ga Rraetsho yo o kwa Legodimong a tlile gape mo nakong ya rona jaaka a tlile le jaaka aitlaa tla mo dinakong tsothe. Melawana ko motheong ya lenaneo la bopelotlhomogi la Kereke ga se fela ka nako e nngwe fela kgotsa lefelo le lengwe fela. E ka dinako tsothe le mafelo otlhe.

Melawana eo e semowa le bosa khutlheng. Ka lone lebaka leo, go e tlhaloganya le go e baya fatshe mo dipelong tsa rona go tlaa re kgonisa go re re bo ne le go tsaya ditshono go thusa nako enngwe le enngwe le lefelo le lengwe le le lengwe le Morena a re le laletsang.

Se ke melawana mengwe eo e nkaetseng fa ke ne ke batla go thusa ka tsela ya Morena le fa ke ne ke thusitswe ke ba bangwe.

Santlha, batho botlhe ba itumela thata gape ba ikutlwa ba tlhomphiwa thata fa ba kgona go itshetsa le ba

lelwapa la bo ne mme ba otlolole go tlhokomela ba bangwe. Ke nnile le malebogo go bao ba ba nthusitseng go ikopakopanya le matlhoko ame. Ke nnile le malebo a magolo thata mo dingwageng tse di sa tswang go feta go bao ba ba nthusitseng gore ke kgone go itshetsa. Mme gape ke kgonne go nna le malebogo a a gaisang go bao ba ba mpontshitseng gore ke ka dirisa mo go ntshaletseng jang go thusa ba bangwe.

Ke ithutile gore tsela ya go nna le mo go saletseng ke go dirisa mo go nnye gona le mo o go bapalang. Ka mogo ntshaletseng ke kgonne go ithuta gore tota go botoka go fa go nale go amogela. Se ke ka sephatlo ka gore fa re e fa thuso mo tseleng ya Morena, O a re segofatsa.

Moporesidente Marion G. Romney o ne a re ka tiro ya bopelotlhomogi, "Ga o kake wa ipha bohumanegi mo tirong e." Mme o ne a touta moporesidente wa mmishene wa gagwe, Melvin J. Ballard, jaana: "Motho ga akake a fa legogo go Morena a sekake a amogela lofo mo poelong."³

Ke bo ne gore seo ke boammaaruri mo botshelong jwa me. Fa ke nna le pelo go bana ba Rraetsho yo o kwa Legodimong bao ba tlhokang, O nna le pelo go nna.

Molawana wa efangele wa bobedi yo o nnileng le kaedi go nna mo tirong ya bopelotlhomogi ke maatla le tshagofatso ya go nna seopo sengwe. Fa re tshwaraganya diatla go direla batho bao ba tlhokang, Morena o kopanya dipelo tsa rona. Moporesidente J. Reuben Clark Jr. o ne a e baya jaana: "Gore go fa go . . . tlisitse . . . maikutlo a a tshwanang a borwarre jaaka banna botlhe ba thutuntsho le meberekole ba berekile lethakoreng le lethakore mo tshimong ya Bopelotlhomogi kgotsa porojeke."⁴

Koketsego eo ya maikutlo a borwarre ke ya boammaaruri go yo o amogelang fela jaaka go yo o fang. Mo letsatsing le, monna yo ke neng ke tlhagolela seretse nae mo legaeng leoo le neng le apesitswe ke morwalela o ikutlwa a kopanye le nna. Mme

o ikutlwa setho sa tlotlego ya setho go diragatsa gotlhe mo a go kgonneng go ene le go lelwapa la gagwe. Fa rene re berekile re le nosi, rotlhe re ka bo re latlile lesego la semowa.

Seo se isa kwa molawaneng wa boraro wa tiragatso mo tirong ya bopelotlhomogi go nne: Tshwantsha lelwapa la gago mo tirong le wena gore ba tle ba kgone go ithuta go tlhokomelelana jaaka fa ba tlhokomela ba bangwe. Barwa le barwa-etsana ba lona bao ba berekang le lona go direla ba bangwe mo matlhokong ba tlaa oketsa go thusana fa ba le mo lethokong.

Molawana wa bo ne wa tlhwa-tlhwa wa Kereke ka bopelotlhomogi oo ke o ithutileng ke le bishopo. E tswa gotsweng go sa leng molao wa mafoko a tumelo a go senka bahumanegi. Ke tiro ya ga bishopo go bona le go fa thuso go bao ba tlhokang thuso morago ga bo ne le ba malwapa a bo ne ba sena go dira gotlhe mo ba go kgonang. Ke fitlhetse gore Morena o romela Mowa o o Boitshepo go dira kgonagalo ya go "senka, le gore le bone"⁵ mo go tlhokomeleng bahumanegi jaaka A dira mo go boneng boammaaruri. Mme gape ke ithutile go akaretsa moporesidente wa Mokgatlho wa Thuso mo go senkeng. A ka nna a bona tshenolo pele ga o e bona.

Bangwe ba lona ba tlaa tlhokana le tlhotlhetso mo dikgweding kwa pele. Go ipelela ngwaga tse 75 tsa lenaneo la bopelotlhomogi la Kereke, maloko a lefatshe ka bophara a tlaa lalediwa go tsaya karolo mo letsatsing la tirelo. Baetedipele le maloko a tlaa senka tshenolo jaaka ba bopa sengwe le sengwe se diporojeke ditlaa nnang tsone.

Ke tlaa dira dikgakololo tse tharo jaaka o nna le thulaganyo ya tirelo ya porojeke.

Santlha, ipaakanyetse le bao o ba etelelang semoweng. Fela fa dipelo di le bopelonomi bakeng la Tefo ya Mmoloki o ka bona sentle sekgele sa porojeke jaaka masego otlhe a selefatshe le semowa matshelo a bana ba

Rraetsho yo o kwa Legodimong.

Kgakololo ya bobedi yame ke go re o tlhophe baamogedi ba tirelo ya gago batho mo teng ga bogosi kgotsa mo motseng bao matlhoko a bo ne a tlaa amang dipelo tsa bao ba tlaa fang tirelo. Batho bao ba ba direlang ba tlaa utlwa lorato la bo ne. Seo se ka dira thata go dira gore ba ikutlwe ba itumetse, jaaka pina e solofeditse, go feta go kopanya fela le matlhoko a bo ne tsa selefatshe.

Kgakololo yame ya bofelo ke go re lo nne le thulaganyo ya go anywa mo nonofong ya dikgolego tsa malwapa, tsa khoramo, tsa dithulaganyo tsa thuso, le tsa batho bao le ba itseng mo metseng ya lona. Maikutlo a kopano a tlaa ntsifatsa maiteko a molemo a tirelo ao lo a fang. Mme maikutlo ao a kopano mo malwapeng, mo Kerekeng, le mo metseng e tlaa gola e nne setlogelelo seo se sa feleng lobaka morago ga porojeke e fela.

Se ke tshono yame gole bolelela ka fa ke le lebogang ka teng. Ka tirelo ya lorato eo o e fileng Morena, Ke nnile moamogedi wa malebogo a batho bao o ba thusitseng jaaka kene ke

kopana nabo go kgabaganya lefatshe.

O fitlhetse tsela ya go ba tsoleletsa godimo jaaka o thusa mo tseleng ya Morena. Wena le barutwana ba Mmoloki ka wena le file borotho jwa lona mo metsing a tirelo, mme batho ba lo ba thusitseng ba lekile go mpha lofo ya malebogo mo poelong.

Ke nna le maikutlo a a tshwanang a go leboga gotswa bathong bao ba berekileng le wena. Ke gakologelwa nako nngwe ke eme go bapa le Moporesidente Ezra Taft Benson. Re ntse re bua ka tirelo ya bopelotlhomogi mo Kerekeng ya Morena. O ne a nkgakgamatsa ka mafolofolo a bonana jwa gagwe fa a ne a re, a pompa letsogo la gagwe, "Ke rata tiro e, e bile ke tiro!"

Go Mongwarona Ke fa malebo a tiro ya gago go direla bana ba Rraetsho yo o kwa Legodimong. O a go itse, gape O bona maiteko a gago, tlaaafalo, le setlhabelo. Ke rapela gore O tlaa go fa lesego la go bona leungo la mmereko wa gago mo boitumelong jwa bao o ba thusitsweng bao o ba thuseditsweng Morena.

Ke itse gore Modimo Rara o a

tshela mme o utlwa dithapelo tsa rona. Ke itse gore Jeso ke Keresete. Wena le bao o ba direlang le ka phepafatswa le go nonotshwa ke go direla Ene le go tshegetsatsa melao ya Gagwe. O ka itse jaaka ke itse, ka maatla a Mowa o o Boitshepo, gore Joseph Smith e ne ele moporofeti wa Modimo yo o buseleditsweng. Ke fa bosupi gore Moporesidente Thomas S. Monson ke moporofeti o o tshelang wa Modimo. Ke sekai se segolo se Morena a se dirileng: go tsamaya tsamaya a dira molemo. Ke rapela gore re ka tshwara ditshono tsa go "tsholetsa godimo diatla tseo di gogobang, le go thatafatsa manyole a a gwetlhang".⁶ Ka leina le le boitshepo la ga Jeso Keresete, amene.

DINTLHA

1. "A ke Dirile Bomolemo Bope?" *Sefela*, no. 223.
2. "Monate Ke Tiro," *Sefela*, no. 147.
3. Marion G. Romney, "Ditirelo tsa Bopelotlhomogi: Lenaneo la Mmoloki," *Ensign*, Nov. 1980, 93.
4. J. Reuben Clark Jr., mo Polelong ya Bophuthego, Oct. 1943, 13.
5. Bona Mathaio 7:7-8; Luke 11:9-10; 3 Nifae 14:7-8.
6. Dithuto le Dikgologano 81:5.